



Иийсас беана, Лакас дАязбина болу хаза кхаъ

Иийсас беанчу, Лакас дАязбинчу хазачу кхоо гойту, лур ду аьлла Исраилан халкъ КЕлхьардоккхург а, массо а нах КЕлхьарбохург а Иийса хилар. *Лакас* дАяздина, Везачу Элан Сино Иийса къобалвина хилла, «мискачу нахана Делах лаьцна хаза кхаъ бан». Шайн тайп-тайпана хьашташ долчу нахана болчу гАйгАнех буьзна бу и хаза кхаъ. *Лакас* дАяздинчу тептар тЕхь долчу коьртачу ойланашкахь цхьа самукьадалар ду. Иийса дуьнен чу валарх лаьцна долчу тептаран дуьххьарлерчу кортошкахь а, Иийса стигала хьалаваларх лаьцна долчу тептаран чаккхенехь а иза къабсттина гуш ду. Иийсах тешаран дин кхиарх а, дАсадаржарх а лаьцна долу дийцар ду «*Векалийн Гуллакхаш*» олучу тептар тЕхь оьцу яздархочо дуьйцуш.

Хазачу кхоах лаьцна яздинчу веа яздархочух 1:5; 2:52 а, 9:51; 19:27 а аяташкахь Лакас бен дАяздина дац цхьадолу дийцарш. Царна юкъахь ду: Иийса дуьнен чу ваьлча, маликаша лекхначу эшарех долу дийцар а, жаЛуь хьошалгА бахкарх долу дийцар а, жима Иийса Делан цА йолчу варах долу дийцар а, дикачу шамранхочух лаьцна долу хьекъале дустар а, байначу Кантах лаьцна долу хьекъале дустар а. Хазачу кхоах долчу Хокху дийцарехь шатайпа хуманаш иштта ду: доА а, Делан Са а, Иийсас дечу Гуллакхна тЕхь зударша дакъа лацар а, Дала къиношна гечдар а.

Теапиле аьлла дош

1 Лоруш волу Теапил,
Тхуна юкъахь кхочушхиллачу хуманех лаьцна дийцар хИнцале а духа нах яздан гИртира. **2** Тхуна а оцу хуманех лаьцна ма-дарра дийцина, уьш ган а гина, цул тАьхьа Делан Дош адамашна юкъахь дАсадаржочу наха. **3** И хезнарг дерриг леррина талла а теллина, хьобга цунах лаьцна ма-дарра яздийр дара аьлла, сацам хилла сан, **4** айхьа Iамийнарг хьуна билгала бакъ дуй хайитархьама.

Яхьья дуьнен чу валарх хаам

5 ЯхИуд-махкахь ХIарод паччахь волчу хенахь АбияхИун цЕ йолчу тобанах а волуш, Закри цЕ йолуш цхьа динан да вара. Элисат цЕ йолуш зуда

яра цуьнан, АхIаронан тАьхьенах схьаяьлла. **6** И шиь Везачу Эло тЕдиллина Гуллакх леррина кхочушдеш а, Далла хьалха цЕна а дара. **7** Церан бераш дацара, Элисат доьзалхо ца хуьлуш хиларна. Ший а ханна доккха а дара и шиь. **8** Цкъа шайна юкъахь Закри волчу динан дайн тобанан рагI кхечира Везачу Элана Гуллакх дан. **9** Динан дайн Iедалехь ма-хиллара, кхаж тесира. Иштта Закрина кхаж белира Везачу Элан цА чохь хаза хьожайолу хIума яго. **10** Цу хенахь оцу цЕнна хьалха дукха адам гулделлера, шаьш гуттар а ма-дарра, цхьаьна ламаз дан. **11** Закри волчу Везачу Элан малик деара цу хенахь. Хаза хьожайолу хIума ягочу кхерчана аьтту агIор дIаХIоьттира иза. **12** Иза гина Закри чIогIа кхеравелира. **13** Малико элира цуьнга: «Кхера ма лолахь, Закри! Хьан доIанна жоп делла: Элисата КIант вийр ву хьуна. Цуьнан цЕ ахь Яхьья туьлтур ю. **14** Цунах чIогIа воккха а вийр ву хьо. Дукха нахана хазаетар хир ду иза дуьнен чу валарна. **15** ХIунда аьлча иза Везачу Элан бIаьргашна хьалха чIогIа сийлахь стаг хир ву, цо цкъа а чагIар а, кхин йолу вахош йолу хIуманаш а мер яц. Ненан кийрахь волуш дуьйна Делан Синах вуьзна хир ву иза. **16** Дукха исраилхой церан Везачу Далла тЕберзор бу цо. **17** Везачу Элана хьалха вогIуш хир ву Яхьья, ЭлияхИу-пайхамарца хилла долу нуьцкъала са а долуш волу, дайн дегнаш церан берашна тЕ дерзорхьама, аьрханаш, нийсачу новкъа а хIиттина, Делан лаамехь берш санна хилийтархьама, Веза Эла вале, и кечам бина халкъ дуьхьал хIотторхьама».

18 Закрис хаьттира малике: «Со муха тешар ву ахьа бохучух? Со къена ву, сан зуда а хан яьлла ю».

19 Малико жоп делира: «Хьобга и хаза кхаъ бахьаш дайитина, Далла гергахь долу Джабраил ду со. **20** ХIинца дуьйна хьан мотт соьур бу, и дийцинарг кхочуш хиллалц. Хьан мотт сацар хьо сан дешнех ца тешарна хир ду, ткьа ас дийцинарг шен хенахь билггала хир долуш ду».

21 Адамаш араьх Закрига хьобжуш дара, иза Везачу Элан цА чохь хьеваларна цец а дуьйлуш. **22** Закри, араваьлча, вист ца хилалора, цундела куьйга эшарца дийца дийзира цуьнан. Массо а кхийтира, цунна Делан цА чохь сурт хIоьттинийла.

23 Далла Гуллакх деш долу денош чекхдевлча, Закри цА вирзира. **24** Дукха хан ялале цуьнан зуда Элисат доьзалхочух хилира. Пхеа баттахь адамех лечкъаш лийлира иза. **25** Цо бохура: «ХIара суна Везачу Элера ду! Со хенара йоллушехь, сох къинхетам а бина, нахана хьалха со юьхькIайчу хIоттийна Цо».

Иийса дуьнен чу валарх хаам

26 Элисат доьзалхочух йолу ялхалгIа бутт болуш, Дала Джабраил-малик дахийтира Галилай-махкара Назарт цЕ йолчу гIала **27** Марем цЕ

1:15 Лелар 6:3. 1:17 Мальаки 4:5, 6. 1:19 Даниал 8:16; 9:21. 1:27 Маттай 1:18.

йолу йоІстаг йолчу. Дауд-паччахьан тІаьхьенах волчу Юсупца захало дийцина яра Марем. ²⁸ Иза йолчу а деана, малико элира: «Маршалла ду хьобга, Дала хьуна диканиг динарг! Веза Эла хьобца ву!»

²⁹ И дешнаш бахьана долуш, Марем синтем байна яра, цо ойла йора, хІун маьІна долуш ду и маршалла бохуш. ³⁰ Малико бохура: «Ма кхера, Марем! Дала хьуна диканиг дина! ³¹ Ахь кІант вийр ву, цуьнан цІе Гийса а туьллур ю ахь. ³² Иза сийлахь хир ву, Цунах Веза Воккхачун КІант эр ду. Везачу Дала Цунна Цуьнан ден Даудан паччахьалла лур ду, ³³ гуттар а ер-риг Якъубан тІаьхьенна тІехь куьйгалла деш хир ву Иза, Цуьнан паччахьалла цкъа а кхачор дац!»

³⁴ «Иза муха хир ду, — хаьттира Марема, — со хІинца а йоІстаг ма ю?»

³⁵ Малико жоп делла: «Хьуна тІе Делан Са дуьссур ду, Веза Воккхачун ницкъо дІахьулийир ю хьо, цундела хьан хиндолу бер Деза хир ду, Цунах Везачу Делан КІант а эр ду. ³⁶ Хьан гергара йолчу Элисата а кІант вийр ву, ша ханна йоккха елахь а. Цунах, иза доьзалхо хуьлуш яц бохуш, дуйцура, ткъа иза ялхалгІа бутт бу доьзалхочух йолу. ³⁷ Деле дан а ца луш хІумма а ма дац!»

³⁸ «Со Делан лай ю, — элира Марема, — ахь ма-бохху, дерриг и хуьлийла собца». Юха малик дІадахара иза йолчуьра.

Марем Элисат йолчу хьошалгІа йовду

³⁹ Масех де даьлча, Марем сихонца ЯхІуд-мехкан ламанца йолчу цхьана юьрта яхара. ⁴⁰ Закрин цІа чу а яьлла, Элисате маршалла хаьттира цо. ⁴¹ Элисатна Мареман маршалла хезча, цуьнан кийрара бер тохаделира. Оццу хенахь Элисат Делан Синах юьзира. ⁴² Цо элира чІогІа: «Зударшна юкьахь декъала ю хьо! Хьан кийрара бер а ду декъала! ⁴³ Соьгара хІун диканиг даьлла теша, сан Элан нана со йолчу ярна? ⁴⁴ Хьан маршалла хезча, сан кийрара бер хазахетта тохаделира. ⁴⁵ Декъала ю Дала бохург кхочуш-хиларх тешнар!»

Марема Далла хастам бар

⁴⁶ ТІаккха Марема элира:

«Сан даго кьобалво Веза Эла,

⁴⁷ Цунна со кІелхьарйоккхучу Далла доккхадеш ду иза,

⁴⁸ хІунда аьлча Цуьнан лай йолчу сан кІезиг хиларан тидам бина Цо!

ХІинца массо а тІаьхьенаша сох декъалниг эр ду,

⁴⁹ хІунда аьлча Нуьцкъалчо суна

сийлахь гІуллакхаш дина дела.

Цуьнан цІе еза ю!

^{1:31} Маттай 1:21. ^{1:32, 33} Дауд 7:12, 13, 16; ЕшаІ-ЯхІу 9:7. ^{1:37} Доладалар 18:14.

^{1:48} Шамьал 1:11.

⁵⁰ Цуьнан кьинхетам тІаьхьенашкара тІаьхьенашка
Цунах кхьоручарах бу!

⁵¹ Шен нуьцкъалчу куьйгаца Цо сийлахь гІуллакхаш кхочушдина,
Цо, баржийна, дІасабаьхна шайн дегнашкахь
курабевларш,

⁵² паччахьаш шайн гІанташкара биссийна,
ткъа миска нах Цо айина.

⁵³ Цо мезанаш дикачу кхачанах бузийна,
хьалдерш хІума ца луш дІабахийтина.

⁵⁴⁻⁵⁵ Цо гІо дина шен ялхочунна, Израилан халкъана.

Цуьнан дагахь дара ИбрахІимна а,
цуьнан тІаьхьенна а гуттаренна а кьинхетам бан,
вайн дайшка Цо ма-аллара».

⁵⁶ Марем, кхаа батгахь гергга Элисат йолчохь хьошалгІахь а Гийна,
цІа еара.

Яхьья дуйнен чу валар

⁵⁷ Хан тІекхьаьчча, Элисата кІант вира. ⁵⁸ Лулахой а, гергарнаш а, ла а дугІуш, Везачу Эло цунна и дика болх барна, Элисатца цхьаьна хазахеташ, баккхийбеш бара. ⁵⁹ БорхІалгІачу дийнахь кІант ходо баьхкинарш цуьнан цІе шен ден санна Закри тилла дагахь бара. ⁶⁰ Амма нанас элира: «ХІан-хІа! Цунах Яхьья эр ду».

⁶¹ Цуьнга элира: «И цІе йолуш шун гергара цхьа а ма вац!» ⁶² Цара куьйга эшарца дега хаьттира, цунна кІентан цІе хІун тилла лаьа аьлла.

⁶³ Закрис, цхьа жима у а дехна, массо цец а воккхуш, яздира: «Цуьнан цІе Яхьья ю». ⁶⁴ Оцу сохьта цуьнан мотт паргІат а баьлла, цуьнга Дела хестош хабар дийцаделира. ⁶⁵ Лулахой ларамах буьзира. Хиллачух лаьцна массанхьа а ламанца болчу ЯхІуд-махкахь дуйцуш дара. ⁶⁶ Массо а, и хезнарш, шайн дагахь а, вовшийн а хьоттуш бара: «Воккха хилча мила хир ву теша и кІант?» — бохуш. ХІунда аьлча Везачу Элан ницкъ бара Яхььяца.

Закрис Делера болу хаам бар

⁶⁷ Цуьнан да Закри, Делан Синах а вуьзна, Делера болу хаам бан вола-велира:

⁶⁸ «Декъала хуьлда Эла, Израилан халкъан Дела,
ван а веана, Шен халкъ безачу мехах паргІатдаьккхина.

⁶⁹ Шен ялхочун Даудан тІаьхьенах волу нуьцкъала стаг
ваийтина Цо вай кІелхьардаха,

⁷⁰ Ша гуттар хьалха Шен безачу пайхамаршкахула ма-баххара.

^{1:52} Аюб 5:11; 12:19. ^{1:46-55} Шамьал 2:1-10. ^{1:59} Гамальяр 12:3.